

Govor članice Stalne delegacije Parlamentarne skupštine BiH u Parlamentarnoj skupštini Vijeća Evrope Milice Marković na redovnom zasjedanju PS Vijeća Evrope u okviru debate o preispitivanju ratificiranih akreditiva ruskoj delegaciji u PSVE inicirane od gruzijske delegacije

Strazbur, 01. oktobar 2009.

"Prije nego što kažem svoj stav o predlogu rezolucije „Preispitivanje, iz temeljnih razloga, mandata koji su već ratifikovani ruskoj delegaciji“, htjela bih da interвениšem u vezi sa potpisima na pomenutu rezoluciju. Želim da vas obavijestim da ja, Milica Marković, nisam potpisnik predloga ove rezolucije. S obzirom da je došlo do nesporazuma, očekujem izvinjenje gruzijske delegacije ili ću listu potpisnika smatrati falsifikatom.

A sada nešto o predlogu rezolucije. Sadržaj ove rezolucije predstavlja popis problema između Rusije i Gruzije. U situaciji kada PS Vijeća Evrope ulaže mnogo napora da bi pomogla normalizaciju odnosa između Rusije i Gruzije, ne treba praviti pogrešne korake. Prije dva dana imali smo diskusiju o rezoluciji ove Skupštine u vezi sa ratom između Gruzije i Rusije gdje je Skupština jasno rekla šta očekuje od Rusije. U toj rezoluciji nigdje se ne govori o eventualnom preispitivanju mandata koji su već ratifikovani ruskoj delegaciji u smislu sankcija prema Rusiji zbog nepoštovanja zahtjeva ove Skupštine. Zato smatram da je ova rezolucija o preispitivanju mandata preuranjena i uopšte prejaka i antidemokratska.

Smatram, također, da gruzijska delegacija, sastavljajući ovu rezoluciju nije vodila računa o demokratskim principima. Prihvatanje ove rezolucije značilo bi da se Skupština stavlja samo na jednu stranu, stranu Gruzije, što nije dobro, jer znamo da je problem sukoba između Rusije i Gruzije kompleksan, koji se ne može riješiti u jednom danu ili u jednom preispitivanju mandata. Prihvatanje ove rezolucije poslalo bi poruku da je Skupština spremna da izvrši kažnjavanje jedne strane, a da nije ostavila vremena da se pokuša normalizovati situacija koju je proukovao rat. Ne vjerujem da Skupština treba da preuzme ulogu međunarodnog suda niti neke druge sudske institucije. Zato mislim da treba odbaciti ovu rezoluciju jer bi njeno prihvatanje bilo antidemokratski i okrutan čin.

Danas kada ćemo obilježiti 60. rođendan VE, što je u stvari, glorifikacija procesa demokracije u Evropi, Parlamentarnoj skupštini VE ne treba poruka pristranosti i neobjektivnosti." (kraj)